



ՍՈՒՐՊ ՀԱԿՈՊ

ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

Կանաչ Կրոսկի
05 ՄԱՅԻՍ 2019

Կիրակօրեայ Ընթերցումներ
Ծանուցումներ

Էջ 1

Էջ 2

ԸՆԹԵՐՑՈՒՄ «ԱՌԱՋԵԱԼՆԵՐՈՒՆ ԳՈՐԾԵՐԸ» ԳՐՔԵՆ (9.23-31)

Ժամանակ մը վերջ, Դամասկոսի հրեաները որոշեցին Սողոսը սպաննել։ Սակայն Սողոս իմացաւ անոնց նենգութիւնը, թէ՝ գիշեր ցերեկ կը հսկէին քաղաքին դռներուն առջեւ, որպէսզի զինք սպաննեն։ Ուստի հաւատացեալները զինք գիշեր մը զամբիւղի մը մէջ դնելով պարիսպէն վար իջեցուցին։

Սողոս երուսաղէմ եկաւ եւ կը ջանար հաւատացեալներուն հետ շփման մէջ մտնել. բայց բոլորն ալ կը վախնային իրմէ, չհաւատալով թէ Քրիստոսի աշակերտ դարձած է։ Սակայն Բառնաբաս առաւ Սողոսը, առաքեալներուն տարաւ եւ անոնց պատմեց թէ ի՞նչպէս Սողոս ճամ-բուն վրայ Տէրը տեսած եւ անոր հետ խօսած է, եւ թէ ի՞նչպէս թիսուսի անունով համարձակօրէն քարոզած է Դամասկոսի մէջ։ Անկէ ետք Սողոս առաքեալներուն հետ կը մնար ու կը շրջէր երուսաղէմի մէջ, եւ համարձակօրէն կը քարոզէր Տէր թիսուսի անունով։ Կը խօսէր ու կը վիճէր յատկապէս յունախօս հրեաներուն հետ, որոնք զինք սպաննելու ձեւ մը կը խորհին։ Հաւատացեալ եղբայրներ երբ իմացան, Կեսարիա փախցուցին Սողոսը, եւ հոնկէ ալ Տարսոն դրկեցին։

Եկեղեցին ամբողջ Հրէաստանի, Գալիլիայի ու Սամարիայի մէջ խաղաղութիւն կը վայելէր եւ կը զօրանար։ Ս. Հոգիի օգնութեամբ

հաւատացեալները կը բազմանային եւ Տիրոջ երկիւղովը կ'ապրէին։

ԸՆԹԵՐՑՈՒՄ ՊԵՏՐՈՍ ԱՌԱՋԻ ԸՆԴԱՆՐԱԿԱՆ ԱՌԱՋԻՆ ՆԱՄԱԿԻՆ (2.1-10)

...մէկդի՛ ձգեցէք ամէն տեսակի չար մտածում ու նենգութիւն, կեղծաւորութիւն ու նախանձ եւ ամէն տեսակի չարախօսութիւն։ Որպէս հաւատքի նորածին մանուկներ՝ Աստուծոյ խօսքի անխարդախ կաթին փափաքեցէք, որպէսզի անով աճիք եւ փրկութեան հասնիք։ «Անգամ մը որ Տիրոջ խօսին համը առնելք, պիտի տեսնելք թէ քաղցր է ան»։ Մօտեցէք անոր, Քրիստոսի, որովհետեւ ինքն է այն կենդանի վէմը, որ թէպէտ մարդոցմէ մերժուած, բայց Աստուծմէ ընտրուած պատուական վէմն է։ Այդպիսով դուք ալ որպէս կենդանի քարեր՝ Քրիստոսի վէմին վրայ կը կառուցուիք իբրեւ հոգեւոր տաճար. իւրաքանչիւրդ կը դառնաք անարատ քահանաներ եւ Յիսուսի Քրիստոսի միջոցաւ հոգեւոր ընդունելի պատարագ կը մատուցանէք Աստուծոյ։

Որովհետեւ մարդարէկութեան մէջ գրուած է.

«Ահա ես Սիոնի մէջ կը դնեմ ընտրուած վէմ մը, պատուական անկիւնաքար մը. անոր հաւատացողը յուսախար պիտի չըլլայ»։

Քանի դուք հաւատացիք Քրիստոսի, անիկա ձեզի համար պատուական վէմ եղաւ. մինչդեռ չհաւատացողներուն համար անիկա ‘Այն քարն է, զոր թէպէտ շինողները մերժեցին գործածել, բայց յետոյ անկիւնաքար եղաւ’, կամ՝ ‘Այն քարն է՝ որ գլորումի եւ գայթակրութեան առիթ’ պիտի ըլլայ անոնց համար որոնք Աստուծոյ խօսքը անհամոզիչ

գտնելով կը գայթակղին, ինչպէս որ Աստուած նախատեսած էր:

Գալով ձեզի, դուք ընտրուած սերունդ մըն էք, թագաւորելու կոչուած քահանաներ, սրբուած նոր ազգ մը, Աստուածոյ սեփական ժողովուրդը. եւ ձեր պարտականութիւնն է քարոզել զօրութիւնը անոր՝ որ ձեզ խաւարէն իր սքանչելի լոյսին կանչեց: Որովհետեւ հիմա Աստուածոյ ժողովուրդն էք, մինչ նախապէս չէիք. հիմա իր ողորմութիւնը կը վայելէք, մինչ նախապէս զրկուած էիք անկէ:

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԻՆ

ԸՍ ՅՈՎՃԱՆՆԵՍԻ

(2.23-3.12)

Qատիկի տօնին, մինչ Յիսուս երուսաղէմ կը գտնուէր, շատեր հաւատացին իրեն, երբ տեսան անոր գործած հրաշքները: Սակայն Յիսուս ինքզինք չէր վատահեր անոնց, որովհետեւ բոլորն ալ կը ճանչնար եւ պէտք չունէր ոեւէ մէկուն մասին ուրիշին վկայութեան, քանի ինք գիտէր թէ ի՞նչ կայ այդ մարդուն սիրտին մէջ:

Նիկողեմոս անունով փարիսեցի մարդ մը կար, հրեայ իշխան մը, որ գիշերով Յիսուսի մօտ եկաւ եւ ըսաւ անոր. «Վարդապե՛տ, գիտենք որ դուն Աստուածոյ կողմէ զրկուած ուսուցիչ մըն ես, որովհետեւ ո՛չ ոք կրնայ գործել քու կատարած հրաշքներդ, եթէ Աստուած անոր հետ չըլլայ»: Յիսուս պատասխանեց անոր. «Հաստատ գիտցիր, որ եթէ մէկը վերստին չծնի՝

ՏՆՕՐՀՆԵՔ

Տնօրինէք փափարող
ընտանիքները,

թող բարեհաճին դիմել

S. Գառնիկ Աւ. Քհնյ. Գոյունեանի,
հեռաձայնելով

514 909 5203 թիվն:

չի կրնար տեսնել Աստուածոյ արքայութիւնը»: Նիկողեմոս հարցուց անոր. «Ծեր մարդ մը ինչպէ՞ս կրնայ նորէն ծնիլ: Կարեկի՞ բան է որ ան կրկին մտնէ իր մօր որովայնը եւ ծնի»: Յիսուս պատասխանեց. «Վստահ եղիր, որ եթէ մէկը ջուրէն եւ Հոգիէն չծնի՝ չի կրնար երկինքի արքայութիւնը մտնել, որովհետեւ մարմինէն ծնածը մարմին է, իսկ Հոգիէն ծնածը՝ հոգի: Դուն մի՛ զարմանար, որ քեզի ըսի՝ թէ պէտք է կրկին ծնիք: Հովը ուր որ կ'ուզէ կը փչէ. դուն անոր ձայնը կը լսես, բայց չես գիտեր թէ ուրկէ կու գայ եւ ուր կ'երթայ: Նոյնպէս են բոլոր անոնք, որոնք հոգիէն կը ծնին»:

Նիկողեմոս հարցուց. «Ինչպէ՞ս կը պատահի ատիկա»: Յիսուս պատասխանեց. «Դուն որ հսրայէլի ժողովուրդին վրայ ուսուցիչ կարգուած ես, ատիկա չե՞ս գիտեր: Վստահ եղիր, թէ ինչ որ գիտենք՝ կը խօսինք եւ ինչ որ տեսանք՝ անոր մասին կը վկայենք, բայց մեր վկայութիւնը չէք ընդունիր: Եթէ երկրաւոր բաներու մասին խօսեցայ ձեզի եւ չհաւատացիք, ինչպէ՞ս պիտի հաւատաք ինձի եթէ երկնաւոր բաներու մասին խօսիմ»:

Այժելեթէ՛ք

Ա. Յակոբ Առաջնորդական

Մայր Եկեղեցիոյ կայքէջը՝

www.sourphagop.net

Հիւանդարու Այժելութեան

Բարեհաճեցէք հեռաձայնել

Արժ. S. Գառնիկ

Աւ. Քհնյ. Գոյունեանի.

514 909 5203 թիվն: